



**Republika e Kosovës**  
**Republika Kosova – Republic of Kosovo**



**ORGANI SHQYRTUES I PROKURIMIT**  
**TELO ZA RAZMATRANJE NABAVKE**  
**PROCUREMENT REVIEW BODY**

---

**RAPORTI VJETOR I PUNËS 2016**

**Shkurt 2017**

**PRISHTINË**

## PËRMBAJTJA

➤	<b>HYRJE.....</b>	<b>3</b>
➤	<b>FUNKSIONIMI I INSTITUCIONIT TË ORGANIT SHQYRTUES TË PROKURIMIT.....</b>	<b>4</b>
➤	Baza ligjore në fuqi.....	4
➤	Struktura e OSHP-së.....	6
➤	Organogrami.....	7
➤	<b>TRAJNIMET.....</b>	<b>8</b>
➤	<b>MARËDHËNIET ME PUBLIKUN.....</b>	<b>10</b>
➤	<b>FAQJA E INTERNETIT.....</b>	<b>11</b>
➤	<b>ARRITJET NË FUSHËN E PROKURIMEVE.....</b>	<b>12</b>
➤	<b>VEPRIMTARIA E ORGANIT SHQYRTUES TË PROKURIMIT.....</b>	<b>12</b>
➤	<b>SHQYRTIMI I ANKESAVE TË PROKURIMIT.....</b>	<b>13</b>
➤	<b>URDHËRESAT E SHQIPTUARA NDAJ AUTORITETEVE KONTRAKTUESE .....</b>	<b>23</b>
➤	<b>GJOBAT DHE TË HYRAT NGA GJOBAT E SHQIPTUARA.....</b>	<b>24</b>
➤	<b>PADITË E USHTRUARA NË GJYKATËN THEMELORE-DEPARTAMENTIT PËR ÇËSHTJE ADMINISTRATIVE TË REPUBLIKËS SË KOSOVËS NDAJ VENDIMEVE TË PANELEVE SHQYRTUESE.....</b>	<b>25</b>
➤	<b>DISKUALIFIKIMI I OPERATORËVE EKONOMIK.....</b>	<b>25</b>
➤	<b>REKOMANDIMET E ZYRËS SË AUDITORIT TË PËRGJITHSHËM.....</b>	<b>26</b>
➤	<b>OBJEKTIVAT E ORGANIT SHQYRTUES TË PROKURIMIT PËR VITIN 2016.....</b>	<b>27</b>

## I. HYRJE

Organi Shqyrtues i Prokurimit paraqet para Kuvendit të Republikës së Kosovës, Raportin Vjetor të punës dhe Aktivitetin e tij, për vitin 2016. Organi Shqyrtues i Prokurimit si institucion i pavarur është themeluar nga Kuvendi i Republikës së Kosovës në bazë të Ligjit të Prokurimit Publik nr. 02/L-99, dhe veprimtarinë e vetë e ushtron në fushën e prokurimit publik, në fushën e koncesioneve dhe partneritetit publiko-privat. OSHP, ka si objektiv të punës së tij mbikëqyrjen e zbatimit të dispozitave të LPP-së, nga ana e Autoriteteve Kontraktuese, gjatë zbatimit të procedurave të prokurimit, e në veçanti mbrojtjen e të drejtave ligjore të operatorëve ekonomikë, kur ata ushtrojnë ankesa kundër vendimeve të AK-ës ndaj çdo aktiviteti të prokurimit publik.

Raporti Vjetor i OSHP-së, është një ndër format dhe mënyrat kryesore nëpërmjet të cilit pasqyrohet veprimtaria e këtij institucioni dhe njëkohësisht është një ndër argumentet dhe faktet, se ky institucion e pasqyron dhe e bën publike veprimtarinë e tij, në kuadër të mbrojtjes së të drejtave të operatorëve ekonomik, përkritazi me procedurat e prokurimit publik, koncesioneve dhe ankandeve publike.

Parimet themelore të institucionit të Organit Shqyrtues të Prokurimit, janë pavarësia në vendimmarrje dhe evitimi nga çfarëdo lloj ndikimi, transparenca, efikasiteti, efektiviteti, argumentimi dhe arsyetimi i vendimeve të tij. Vendimet e OSHP-së, janë të detyrueshme për t'u zbatuar nga autoritetet kontraktuese gjatë vlerësimit dhe interpretimit të rasteve të ngjashme.

Organi Shqyrtues i Prokurimit, me veprimtarinë e tij, luan gjithashtu një rol të rëndësishëm për rritjen e besimit të palëve nëpërmjet vendimeve të paanshme që merr, si dhe jep garancinë e mbrojtjes ligjore për të gjithë pjesëmarrësit e sistemit të prokurimit publik dhe ankandeve publike.

Kjo praktikë e bazuar në procedurat e shqyrtimit të prokurimit, mendojmë se ka ndikuar pozitivisht në zhvillimin sa më të drejtë dhe efikas të procedurave të prokurimit nga Autoritetet Kontraktuese, duke synuar parandalimin e çdo veprimi të kundërligjshëm që cenon interesat e operatorëve ekonomikë dhe mbi të gjitha ruajtjen e fondeve publike, të shpenzimit të tyre me racionalitet.

## II. FUNKSIONIMI I INSTITUCIONIT TË ORGANIT SHQYRTUES TË PROKURIMIT (OSHP)

### 1. Baza ligjore në fuqi

Organi Shqyrtues i Prokurimit ushtron aktivitetin e vet mbështetur në:

- Ligjin nr. 02/L-99 Mbi Prokurimin Publik në Kosovë të miratuar nga Kuvendi i Republikës së Kosovës, dhe në amandementimin e këtij ligji, sipas Rregullores së UNMIK-ut nr. 2007/20;
- Ligjin nr. 03/L-241 Për Prokurim Publik në Republikën e Kosovës i miratuar nga Kuvendi i Republikës së Kosovës, 30 Shtator 2010;
- Ligjin nr. 04/L-042 Për Prokurim Publik në Republikën e Kosovës i miratuar nga Kuvendi i Republikës së Kosovës 31 Gusht 2011;
- Ligji nr. 04/L-042 për Prokurimin Publik të Republikës së Kosovës, i ndryshuar dhe plotësuar me Ligjin Nr. 04/L-237, Ligjin Nr. 05/L-068 dhe Ligjin Nr. 05/L-092;
- Ligjin nr. 04/L-045, të datës: 21 Tetor 2011, Mbi Partneritetet Publiko-Private dhe Koncesionet në Infrastrukturë dhe Procedurat për Dhënien e tyre;
- Ligjin nr. 02/L-28, të datës: 25.07.2005, “Mbi Procedurën Administrative”;
- Legjislacionin dytësor mbi Prokurimin Publik të KRPP-së dhe,
- Rregulloren e Punës së OSHP-së të datës : 22.06.2015, me nr. prot. 494/2015.

OSHP-ja, është institucion i pavarur, i përkushtuar në mbrojtjen e të drejtave të operatorëve ekonomik vendor apo të huaj nga veprimet apo mosveprimet e paligjshme të Autoriteteve Kontraktuese në një procedurë prokurimi apo koncesioni.

OSHP, bazohet në procesin e vendimmarrjes duke u reflektuar në faktin se:

- Anëtarët e OSHP-së, i zgjedh Kuvendi i Republikës së Kosovës me mandat pesë (5) vjeçar;
- Anëtarët e Bordit janë të pavarur dhe
- Anëtarët e OSHP-së janë të paanshëm, të ndërgjegjshëm dhe të përgjegjshëm në kryerjen e detyrave të punës.

Mbështetur në legjislacionin e mësipërm, Organi Shqyrtues i Prokurimit ka kompetenca, autoritet, pushtet dhe përgjegjësi:

- Të shqyrtojnë ankesat nga palët e interesuara lidhur me shkeljet e mundshme të këtij ligji;
- Të hetoj dhe përcaktoj faktet që kanë shkaktuar ankesat e tilla;

- T'i japin urdhër çdo personi, ndërmarrje ose autoriteti publik duke kërkuar nga një person, ndërmarrje ose autoritet i tillë që të dorëzojë, bartë, paraqesë dhe/ose mundësojë qasje në të dhëna, informacione, dokumente (përveç këshillave të privileguara juridike), dhe/ose artikuj të tjerë të pasurisë së luajtshme dhe/ose të paluajtshme që paneli shqyrtues, në ushtrimin e arsyeshëm të diskrecionit të vet, i konsideron të rëndësishme për zbatimin e hetimeve ose të procedurave për shqyrtimin e prokurimit.;
- Të nxjerr një urdhër ndaj çdo personi për tu paraqitur në procedurën për shqyrtimin e prokurimit dhe të japë dëshmi lidhur me çdo çështje që Paneli Shqyrtues, në ushtrimin e arsyeshëm të diskrecionit të tij, i konsideron relevante lidhur me lëndën e kësaj procedure;
- Të merr çfarëdo masë tjetër të nevojshme dhe të përshtatshme për të verifikuar argumentet apo pretendimet të bëra nga palët;
- Nëse kontrata përkatëse nuk është nënshkruar ende ligjërisht nga të dy palët, dhe deri më tani të lejuar nga ky ligj, të japin urdhër me të cilën mënjanohet ose pezullohet dhënia e kontratës publike ose rezultati i një konkursi të projektimit;
- T'i jep urdhër Autoritetit Kontraktues, duke e detyruar Autoritetin e tillë që të suspendojë ose përfundoj zbatimin e aktivitetit të prokurimit ose zbatimin e vendimit të Autoritetit të tillë lidhur me ose gjatë aktivitetit në fjalë;
- T'i jep urdhër Autoritetit Kontraktues, duke e detyruar Autoritetin e tillë që të anuloj ose revokoj vendimin e Autoritetit të tillë lidhur me - ose të marrë gjatë aktivitetit të prokurimit, përfshirë kushtet e paligjshme dhe specifikat në dosjen e tenderit;
- T'i jep urdhër Autoritetit Kontraktues duke e detyruar Autoritetin e tillë që të ia paguaj kompensimin parashtruesit të ankesës;
- T'i jep urdhër Autoritetit Kontraktues duke e detyruar Autoritetin e tillë që të korrigjojë shkeljen e pretenduar dhe/ose të parandalojë dëmtimin e mëtejshëm të parashtruesit të ankesës dhe/ose të ndonjë pale tjetër të interesuar;
- T'i jep urdhër Autoritetit Kontraktues që të mënjanojë specifikimet diskriminuese teknike, ekonomike, financiare, ose të përzgjedhjes, kërkesat ose kriteret e përfshira në njoftim, ftesë, dosjen e tenderit ose dokumentet e tjera të kontratës lidhur me aktivitetin e prokurimit;
- Të lëshojë një urdhër me të cilin detyrohen zyrtarët për zbatimin e ligjit që ta ndihmojnë OSHP-në, në ekzekutimin e një urdhri të saj;
- Të lëshojë një urdhër i cili e shndërron një kontratë të nënshkruar si të pavlefshme, nëse kontrata është nënshkruar pa publikim të njoftimit sipas nenit 42, ose nëse nënshkrimi i kontratës, është kryer para skadimit të afatit kohor të përcaktuar në nën-paragrafin 4.1 paragrafi 4. të nenit 26 i këtij ligji.;
- Të shqiptoj gjoba, nëse Autoriteti Kontraktues, përkundër vendimit të cekur nën-paragrafin 2.13. të këtij neni, vazhdon të implementoj kontratën e cila është temë e atij vendimi;

- Refuzimi i Autoriteteve Kontraktuese ose i Autoriteteve Publike për të respektuar vendimin e Paneleve Shqyrtuese ose për të bashkëpunuar me OSHP-në, krijon arsyet që OSHP-ja, të ndërmarrë masa ndaj tyre, në përputhje me nenin 131 të LPP-së.


## 2 Struktura e OSHP-së

Struktura e Organit Shqyrtues të Prokurimit përbëhet nga Kryetari dhe katër (4) anëtarët e Bordit, si dhe stafi mbështetës i cili udhëhiqet nga kryesuesi i sekretariatit të OSHP-së. Në funksion të organizimit, Organi Shqyrtues i Prokurimit miratoi Rregulloren e Punës së OSHP-së, të datës: 22 qershor 2015 me nr. të prot. 494/2015, në të cilën përcaktohen qartë detyrat e Kryetarit të OSHP-së dhe të anëtarëve të Paneleve Shqyrtuese, si dhe procedurat e komunikimit ndërmjet tyre. Gjithashtu është paraparë edhe funksionimi i Divizionit të Brendshëm, Divizioni për Shqyrtimin e Ankesave dhe Sektori ligjor. Po ashtu është miratuar edhe Rregullorja Nr. 01/2015 Për Organizimin e Brendshëm dhe Sistematizimin e Vendeve të Punës në Organin Shqyrtues të Prokurimit me Nr. të protokollit 334/15 të datës : 16.04.2015

Me dt: 30 mars 2016, Kuvendi i Kosovës ka kompletuar Bordin e OSHP-së, edhe me tre anëtar tjerë, ku njëri nga këta është emëruar kryetar me mandat pesë (5) vjeçar.

Për përmbushjen e detyrave të rëndësishme për procedurat e shqyrtimit të ankesave të procedurave të prokurimit publik si dhe për realizimin me sukses të funksioneve për të cilat është themeluar, struktura dhe organogrami i këtij institucioni është konsoliduar duke iu përgjigjur dinamikës së ndryshimeve të Ligjit të Prokurimit Publik nr. 04/L-042.

### 3. ORGANOGRAMI



## II. TRAJNIMET

Organi Shqyrtues i Prokurimit me qëllim të rritjes profesionale të stafit, me synim përballimin në mënyrë sa më efikase të detyrimeve ligjore edhe gjatë vitit 2016, kujdes të veçantë i ka kushtuar trajnimit të anëtarëve dhe personelit të institucionit të OSHP-së.

Duke qenë se trajnimet profesionale janë një proces me karakter vazhdues dhe pasi që me këto trajnime kemi filluar që në vitin e parë të aktivitetit të këtij institucioni, mund të themi se edhe në vitin 2016 i është kushtuar kujdes i veçantë trajnimeve që lidhen me problematika të veçanta të prokurimeve.

### **TRAJNIMET E NDJEKURA NGA ZYRTARËT E OSHP-SË, GJATË VITIT 2016, NË INSTITUTIN E KOSOVËS PËR ADMINISTRATË PUBLIKE (IKAP)**

1. Trajnimi i ndjekur me datën: 03, 04, 05 Shkurt 2016, Tema - “Përafrimi i Legjislacionit Vendor me Legjislacionin e Bashkimit Evropian”, organizuar nga “IKAP”.
2. Trajnimi i ndjekur me datën: 18-19 Shkurt 2016, Tema – “Planifikimi, Rekrutimi dhe Përzgjedhja”, organizuar nga “IKAP”.
3. Trajnimi i ndjekur me datën : 04-05 Maj 2016, Tema – “Kodi Etik, të drejtat dhe përgjegjësitë në Shërbimin Civil”, organizuar nga “IKAP”.
4. Trajnimi i ndjekur me datën: 26, 27, 28, 29, Korrik 2016, Tema – “Sistemit të Informatave dhe Menaxhimit të Burimeve Njerëzore – SIMBNJ”



**TRAJNIMET JASHTË VENDIT TË ZYRTARËVE TË OSHP-SË, GJATË VITIT 2016**

1. Seminari i ndjekur me datat : 06-09 Mars, Tema: “Teoria e zotërimit (Mastering theory) Vlerësimi i ndikimit në bazë”, në Holandë, të organizuar nga “Instituti Evropian për Administratën Publike (EIPA). Maastricht-Holand
2. Trajnimi i ndjekur me datat : 12-15 Mars, Tema: “Menaxhimi i Zyrës, Hartimi i Shkresave, Procesverbaleve Zyrtare dhe Arkivimin”, në Durrës - Shqipëri, të organizuar nga “BM Consulting Group”.
3. Trajnimi i ndjekur me datat: 25-29 Mars, Tema: “Funksionalizimi dhe Shfrytëzimi i Prokurimit Elektronik në Kosovë”, në Kemer – Turqi, të organizuar nga “Instituti Kosovar për Menaxhim”.
4. Trajnimi i ndjekur me datat: 25-29 Mars, Tema: “Shfrytëzimi i Sistemit Informativ për Menaxhimin e Resurseve Njerëzore në Institucione Publike në Kosovë”, në Kemer – Turqi, të organizuar nga “Instituti Kosovar për Menaxhim”.
5. Trajnimi i ndjekur me datat: 26-29 Maj, Tema: “Ndryshimet në Ligjin për Prokurimin Publik dhe Prokurimi Elektronik”, në Ohër – Maqedoni, të organizuar nga “Economic Development Consulting”.
6. Trajnimi i ndjekur me datat: 13-17 Korrik, Tema: “Planifikimi dhe Menaxhimi Strategjik Institucional”, në Sarandë – Shqipëri, të organizuar nga “Instituti Kosovar për Menaxhim (KMI)”.
7. Trajnimi i ndjekur me datat: 13-16 Tetor: “Rregullimi i Marrëdhënies së Punës – Zbatimi i Ligjit dhe Akteve Nënligjore”, në Ohër – Maqedoni, të organizuar nga “Prudencia Consulting”.
8. Trajnimi i ndjekur me datat: 20-23 Tetor, Tema: “Aspekte Teorike dhe Praktike të Përkthimit”, në Budvë – Mali i Zi, të organizuar nga “European Center”.
9. Trajnimi i ndjekur me datat: 20-23 Tetor, Tema: “Menaxhimi i Organizatës Përmes Teknologjisë Informative dhe E-Qeverisja”, në Budvë – Mali i Zi, të organizuar nga “European Center”.

10. Trajnimi i ndjekur me datat: 20-22 Tetor, Tema: “Platforma e Prokurimit Elektronik në Kosovë”, “Dy ligjet e Reja të Prokurimit të Vitit 2016 dhe Krahasimi me Ligjin Nr. 04/L-042”, “Trajtimi i Ankesave në Prokurim Publik”, në Durrës – Shqipëri, të organizuar nga “Instituti i “BIP” në bashkëpunim me Institutin “EIPA”.
11. Trajnimi i ndjekur me datat: 28-30 Tetor, Tema: “Përvojat Evropiane në Luftimin e Korrupsionit në Prokurim”, në Durrës – Shqipëri, të organizuar nga “Instituti Demokratik i Kosovës (KDI)”.
12. Trajnimi i ndjekur me datat: 17-20 Nëntor, Tema: “Hartimi i Raporteve, Administrimi i Zyrës, Operacioneve dhe Procesverbaleve në Institucione Publike”, në Ohër – Maqedoni, të organizuar nga “Instituti Kosovar për Menaxhim (KMI)”.
13. Trajnimi i ndjekur me datat: 24-27 Nëntor, Tema: “Rregullat Financiare për Menaxhimin e Parasë Publike” dhe në trajnimin : “Menaxhimi, Komunikimi dhe Arkivimi i Dokumentacionit”, në Ohër – Maqedoni, të organizuar nga “Prudencia Consulting”.
14. Trajnimi i ndjekur me datat: 01-05 Dhjetor, Tema: “Funksionalizimi dhe Shfrytëzimi i Prokurimit Elektronik në Kosovë”, në Bansko – Bullgari, të organizuar nga Instituti Kosovar për Menaxhim (KMI)”.
15. Trajnimi i ndjekur me datat: 08-11 Dhjetor, Tema: “Prokurimi Publik dhe Procedura e Trajtimit të Ankesave në Organin Shqyrtues të Prokurimit”, në Dubrovnik – Kroaci të organizuar nga “Prudencia Consulting”.
16. Gjatë muajit Dhjetor 2016, përkatësisht me datat : 14-16 Dhjetor, vizitë zyrtare në Komisionin Kombëtar të Shqyrtimit në Slloveni.

### **III. MARËDHËNIET ME PUBLIKUN**

Duke pasur si synim rritjen e transparencës dhe informimin e publikut, një nga prioritetet e veprimtarisë së Organit Shqyrtues të Prokurimit për vitin 2016, ka qenë promovimi i aktivitetit të këtij institucioni, i procedurave të shqyrtimit të ankesave, nga njëra anë, dhe rezultateve të arritura në përmbushjen e detyrimeve ligjore, nga ana tjetër.

Organi Shqyrtues i Prokurimit, i ka kushtuar rëndësi të madhe marrëdhënieve me media duke pasur prioritet përmbushjen e objektivave për të rritur besueshmërinë e operatorëve ekonomik dhe të publikut ndaj OSHP-së. Nga ky bashkëpunim kemi forcuar imazhin si dhe pozicionin e Organit Shqyrtues të Prokurimit përball opinionit publik, duke e krijuar integritetin e nevojshëm për realizimin e komunikimit me opinionin publik. Rritja e besimit të operatorëve ekonomik ndaj Organit Shqyrtues të Prokurimit është mbështetur në shqyrtimin e ankesave, mbajtjen e seancave publike dëgjimore dhe në marrjen e vendimeve në mënyrë profesionale, të paanshme dhe brenda

afatit të paraparë ligjor. Në disa prej seancave me rëndësi të pjesëmarrjes, kanë qenë prezent përfaqësuesit e ambasadave të huaja në Kosovë, si p.sh përfaqësuesit e Ambasadës së Gjermanisë në Kosovë, dhe të tjera, mirëpo, përkushtimin tonë për transparencë e dëshmon qartë, dhe më së miri pjesëmarrja e përfaqësuesve të mediave në seancat publike dëgjimore të mbajtura nga panelet shqyrtuese, ç'rast në disa raste prezent në seancë ka qenë gazetaret e të përditshmëve “Koha Ditore”, Zëri”, “BIRN” etj.

Gjatë vitit 2016 OSHP ka lidhur marrëveshje bashkëpunimi me Institutin e Kosovës për Drejtësi (OJQ) dhe Demokracinë Plus për monitorimin e procedurave të shqyrtimit të ankesave.

Si vazhdimësi edhe për këtë vit, veprimtaria në drejtim të informimit dhe promovimit të aktivitetit të institucionit, u përqendrua në tre (3) drejtime kryesore:

a). Informimi i publikut në mediet e shkruara dhe në ato elektronike që lidhen me aspektet e shqyrtimit të ankesave, mendimit të ekspertit shqyrtues dhe ekspertëve shqyrtues- teknik, dhe vendimeve të nxjerrura nga ana e Paneleve Shqyrtuese për ankesat e paraqitura nga Operatorët Ekonomik;

b). Përmirësimi në mënyrë të ndjeshme mbi dhënien e informacioneve rreth aktiviteteve dhe procedurave të shqyrtimit të aktivitetit të prokurimeve të OSHP-së, në faqen e internetit;

c). Forcimi i mëtejshëm i traditës tashmë të krijuar të komunikimit me operatorët e ekonomik për paqartësitë dhe nevojat e tyre për t'u informuar dhe njoftuar me zhvillimet ligjore dhe praktikrat e mira të prokurimeve publike.

#### IV. FAQJA E INTERNETIT

Organi Shqyrtues i Prokurimit, me qëllim të rritjes së transparencës përballë të gjitha palëve të involvuara në aktivitete të prokurimit, dhe transparencës karshi qytetarit të Kosovës, ka ridizajnuar ueb-faqen zyrtare “[oshp.rks-gov.net](http://oshp.rks-gov.net)”, duke filluar me publikimin e pretendimeve ankimore të operatorëve ekonomik, të cilët pretendojnë se ju janë shkelur nga autoritetet kontraktuese. Gjithashtu, OSHP, po publikon vendimin e panelit shqyrtues për çdo lëndë. Poashtu, ueb-faqja përmban versionet elektronike, të të gjitha vendimeve të Paneleve Shqyrtuese, konkluzioneve, urdhëresave, njoftimeve, raporteve dhe informatave tjera të rëndësishme lidhur me aktivitetet e OSHP-së.

Të gjithë këto informata mund të gjenden në adresën tonë zyrtare elektronike „[oshp.rks-gov.net](http://oshp.rks-gov.net)”, dhe kjo ueb faqe mirëmbahet dhe freskohet çdo ditë dhe njëkohësisht vendosen shkresat në dy gjuhët zyrtare dhe në gjuhën angleze. Po ashtu në faqen tonë të internetit gjenden të publikuara njoftime të ndryshme rreth punës dhe veprimtarisë së institucionit tonë, raportet vjetore prej themelimit të institucionit, si dhe të dhënat mbi legjislacionin primar dhe sekondar.

Gjatë vitit 2016, kanë qenë 440,235 (katërqind e katërdhjetë mijë e dyqind e tridhjetë e pesë), klikime gjithsejtë. Prej këtyre klikimeve, 15.2 % kanë qenë vizitorë të ri të ueb faqes, kurse 84.8% janë vizitor të rregullt të Web faqes së OSHP-së. Kurse kohëzgjatja mesatare e qëndrimit të një vizitori në ueb faqe të OSHP-së, ka qenë 04:29 min. Në krahasim me vitin e kaluar ka një rritje të interesimit të vizitave në ueb faqen e OSHP-së, prej 98.04 %.

Web faqja e OSHP-së, përveç që është vizituar nga qytetarët e Republikës së Kosovës (76,943 vizitorë), po ashtu është vizituar edhe nga vendet e Evropës dhe Amerikës, siç janë: Shqipëria (677 vizitorë), SHBA (276 vizitorë), Serbi (199 vizitorë), Slloveni (450 vizitorë), Gjermani (281 vizitorë), Maqedonia (172 vizitorë), Britani e Madhe (481 vizitorë), Mali i Zi (166 vizitorë), Turqi (162 vizitorë).

## **V. ARRITJET NË FUSHËN E PROKURIMEVE**

Gjatë vitit 2016, Organi Shqyrtues i Prokurimit, një rëndësi të veçantë i ka kushtuar edhe trajtimit dhe shqyrtimit të ankesave, si dhe procesit të vendimmarrjes, që të jetë në pajtueshmëri të plotë me Direktivat e BE-së, për Prokurim Publik.

Organi Shqyrtues i Prokurimit edhe gjatë vitit 2016, ka pasur bashkëpunim të mirë me Ekipin e Projektit "PLANET"- Përkrahje në Reformimin e Sistemit të Prokurimit Publik në Kosovë. Projekti "PLANET", në çdo kuartal ka hartuar raporte për të tria institucionet e prokurimit publik KRPP, OSHP dhe AQP, duke përcjellur kështu punën e të tria institucioneve dhe përmirësuar në të njëjtën kohë fushën e prokurimit publik në vazhdimësi.

Një bashkëpunim tjetër shumë të rëndësishëm, gjatë vitit 2016, OSHP-ja ka pasur me "SIGMA", Bankën Botërore lidhur me realizimin e prokurimit elektronik.

## **VI. VEPRIMTARIA E ORGANIT SHQYRTUES TË PROKURIMIT**

Shqyrtimi i ankesave të palëve të interesuara (operatorëve ekonomik), që i drejtohen Organit Shqyrtues të Prokurimit, bëhet nga Panelet Shqyrtuese në përbërje prej një (1), tre (3) ose pesë (5) anëtarëve, varësisht prej vlerës së kontratës dhe kompleksitetit të rastit.

Paneli shqyrtues emërohet nga Kryetari i Organit Shqyrtues të Prokurimit (OSHP).

Nga shqyrtimi i përmbajtjes së ankesave të parashtruara, Panelet Shqyrtuese, duke u bazuar në nenet 105.1, 105.2, 106 si dhe 117 të LPP-së, në ekspertizat e ekspertëve shqyrtues dhe në seancat dëgjimore, nxjerrin këto vendime:

- Aprovimin e vendimeve të Autoritetit Kontraktues, kur nuk kanë bërë shkelje të dispozitave të LPP-së, gjatë zhvillimit të aktiviteteve të ndryshme të prokurimit;
- Rivlerësimin e aktivitetit të prokurimit, nëse Autoriteti Kontraktues gjatë vlerësimit të tenderëve, nuk i është përmbajtur kritereve të caktuara në dosjen e tenderit dhe nuk ka bërë vlerësim objektiv;
- Anulimin e aktivitetit të prokurimit, atëherë kur Autoriteti Kontraktues ka bërë shkelje substanciale dhe të pariparueshme të dispozitave të LPP-së, gjatë zhvillimit të aktivitetit të prokurimit dhe
- Hedhja poshtë e ankesave, atëherë kur ankesat janë të pakompletuara: operatorët ekonomik nuk i janë përmbajtur afateve për parashtrim të ankesës; ose kanë dështuar në ofrimin e deponimit të sigurimit të ankesës.


Funksionimi i punës së Organit Shqyrtues të Prokurimit, përveç se është i paraparë me ligj, të siguroj mbrojtjen e të drejtave të operatorëve ekonomik ankues, gjithashtu garanton që procedurat e prokurimit publik të zhvillohen në harmoni të plotë me parimet bazë të LPP-së, siç janë transparenca, trajtimi i barabartë dhe jo-diskriminues i ofertuesve si dhe shfrytëzimi ekonomik dhe racional i fondeve publike.

## **VII. SHQYRTIMI I ANKESAVE TË PROKURIMIT**

Organi Shqyrtues i Prokurimit ne vitin 2016, është përpjekur maksimalisht që nëpërmjet procedurave të shqyrtimit të ankesave në fushën e prokurimit publik, të realizojë objektivin e tij kryesor që lidhet drejtpërsëdrejti me mbrojtjen e interesave të ligjshme të operatorëve ekonomik nga veprimet apo mosveprimet e parregullta të Autoriteteve Kontraktuese në fushën e prokurimit publik.

Gjatë periudhës Janar - Dhjetor 2016, Organi Shqyrtues i Prokurimit ka pranuar 481 ankesa, për prokurimet publike, për partneritet publiko-privat dhe ankandet, të cilët kanë kundërshtuar vendimet e Autoriteteve Kontraktuese për dhënien e kontratës, vendimet për anulimin e aktiviteteve të prokurimit ose kundër specifikimeve teknike favorizuese apo diskriminuese të parapara në dosje të tenderit.

Duke krahasuar numrin e ankesave të pranuar gjatë vitit 2016, me ato të vitit 2015 vërehet një rënie e vogël e ankesave për këtë vit.

**Paraqitja grafike e ankesave të pranuar në vitin 2015 dhe 2016 (përqindja në zvogëlim)**

Për procedurat e shqyrtimit të ankesave të prokurimit publik gjatë vitit 2016, më poshtë janë të paraqitura të dhënat përmblledhëse dhe analitike të punës si në vijim:

paraqitura të dhënat përmblledhëse dhe analitike të punës si në vijim:

- Paneli shqyrtues, ka aprovuar vendimet e Autoriteteve Kontraktuese, si të bazuara në 158 raste, duke konstatuar se pretendimet e palëve ankimore nuk kanë qenë të mbështetura në argumente ligjore që të aprovohen ankesat e tyre;
- Paneli Shqyrtues ka marrë vendim për rivlerësimin e ofertave në 198 raste, duke konstatuar se është bërë vlerësimi i gabuar i ofertave nga komisionet vlerësuese, duke hasur në shkeljet e caktuara të LPP-së dhe rregullave të prokurimit publik;
- Paneli Shqyrtues ka marrë vendim për anulimin e aktivitetit të prokurimit (Ri-tenderim) në 44 raste, nisur nga shkeljet e konstatuara të dispozitave të LPP-së, për parregullsitë në dosjet e tenderit, vlerësim jo të drejtë të ofertave apo për zhvillimin me mangësi të procedurave të prokurimit;
- Njëzet e shtatë (27) ankesa janë hedhur poshtë për shkak të mos-kompletimit të tyre brenda afatit ligjor në pajtim me nenet 111.4 dhe 118.1 të LPP-së;
- Para se të merren në shqyrtim nga Paneli Shqyrtues, 30 ankesa të dorëzuara janë tërhequr nga operatorët ekonomik ankues;

- Një (1) ankesa të pranuar në OSHP, nuk kanë qenë në kompetencë lëndore të OSHP-së, prandaj janë refuzuar nga OSHP-ja.
- Dy (2) ankesa janë konsideruar si “Res Judicata” (çështje e gjykuar) nga paneli shqyrtues.
- Paneli shqyrtues gjatë vitit 2016, ka lëshuar gjithsej nëntë (9) urdhëresa.
- Shtyrje e afatit për ofertim tri (3) raste.
- Qartësim i specifikimeve teknike dy (2) raste.
- Anulim i rivlerësimit një (1) rast.

Edhe gjatë vitit 2016, OSHP-ja, ka konstatuar dhe vërtetuar se gjatë zhvillimit të procedurave të prokurimit nga ana e autoriteteve kontraktuese nuk janë respektuar dispozitat e LPP-së dhe të legjislacionit sekondar të prokurimit publik. OSHP-ja, në shumicën e rasteve ka hasur në parregullsi gjatë procesit të vlerësimit të ofertave dhe në marrjen e vendimeve të gabuara për shpalljen e fituesit. Gjithashtu janë konstatuar shkelje të Ligjit mbi Prokurimin Publik, gjë që ka ndikuar që njoftimet për dhënie të kontratës dhe anulim të aktiviteteve të prokurimit, të Autoriteteve Kontraktuese të anulohen dhe lëndët të kthehen në rivlerësim nga ana e Paneleve Shqyrtuese.

Gjatë shqyrtimit të ankesave janë evidentuar shkelje më të shpeshta të këtyre neneve: neni 6 - Ekonomiciteti dhe Efikasiteti, neni 7 –barazia në trajtim/jo diskriminimi, neni 10- Mjetet për promovimin e Transparencës, neni 27- Dosja e Tenderit, neni 28- Specifikimet teknike, neni 59- Ekzaminimi, Vlerësimi dhe Krahasimi i Tenderëve, neni 60- Kriteret për Dhënien e Kontratës,

Operatorët Ekonomik me rastin e paraqitjeve të ankesave konform nenit 118 të LPP-së, dhe Rregullave për paraqitje të kërkesës për rishqyrtim pranë Autoriteteve Kontraktuese, parashtrim të ankesave pranë OSHP dhe vlera e tarifave të ankesave konform nenit 14 kanë qenë të obliguar të deponojnë sigurimin e ankesave një përqind (1%) të vlerës së ofertës, por jo më pak se 100 Euro dhe jo më shumë se 5,000 Euro.

Tabela me të dhënat e Autoriteteve Kontraktuese- Janar - Dhjetor 2016

Nr	Autoriteti Kontraktues	Ank. të pranuarra	Aprov. i vend. AK-se	Rivlerësim	Ritender	Tërheqje e anke.	Flakje e anke.	Jo kompet. lëndore	“Res Judicata”	Urdh.p er zbatim te PSH-se	Anulim i Njoftimit per Anulim	Shtyrje e afatit per ofertim	Qartësim i specifikave	Anulim i Rivlerësim
1	Dogana e Kosoves	4	1		1	2								
2	ZRRE	1		1										
3	KK GJILAN	8	1	5		2								
4	UP	11	2	3	2	2	1				1			
5	KURP	1			1									
6	MSH	19	9	7	1		1				1			
7	AQP	18	3	13		2								
8	MFSK	5	1	2	1	1								
9	KEK	57	25	20	5	1	4			1				Njoftim per AK 1
10	AK Privatizimit	8	1	3	3	1								
11	UPZ	6		3					2	1				
12	IKSHPK	1					1							
13	KK PRISHTINE	28	10	12	4		1					1		
14	K.K GJAKOVE	7	2	3			2							
15	K.K LIPJAN	7	6	1										
16	POLICIA E KOSOVES	28	9	11	2	4				2				



Nr	Autoriteti Kontraktues	Ank. të pranuar	Aprov. i vend. AK-se	Rivlerësim	Ritender	Tërheqje e anke.	Flakje e anke.	Jo kompet. lëndore	“Res Judicata”	Urdh.p er zbatim te PSH-se	Anulimi i Njofitimit per Anulim	Shtyrje e afatit per ofertim	Qartësim i specifikave	Anulimi i Rivlerësimit
17	KK RAHOVEC	5	1	3			1							
18	QKUK	19	6	12								1		
19	MKRS	26	9	12		1	3			1				
20	S R PEJE	3		2	1									
21	KK PRIZREN	18	6	5	4	2	1							
22	MI	35	14	18	1		1	1						
23	MPB	12	6	2	1		2							1
24	KK PEJE	25	6	12	4	2				1				
25	KK VUSHTRRI	2	1				1							
26	MAP	11	4	1			3				3			
27	TELEKOMI I KOSOVES	9	3	2		2	1			1				
28	KK VITI	1				1								
29	MTI	2	1	1										
30	KK Graçanice	3	1	2										
31	KRM PASTRIMI	4		3	1									
32	KOMUNA SHTERPCE	1				1								


Nr	Autoriteti Kontraktues	Ank. të pranuar	Aprov. i vend. AK-se	Rivlerësim	Ritender	Tërheqje e anke.	Flakje e anke.	Jo kompet. lëndore	“Res Judicata”	Urdh.p er zbatim te PSH-se	Anulim i Njofitimit per Anulim	Shtyrje e afatit per ofertim	Qartësim i specifikave	Anulim i Rivlerësimit
33	KK DRAGASH	4		3						1				
34	MASHT	2		1			1							
35	HORTIKULTURA	1		1										
36	MF	2	1	1										
37	KK FERIZAJ	6		4	1		1							
38	QENDRA STUDENTORE	4		3		1								
39	SHPSHM-FERIZAJ	1	1											
40	AKSP	4		2	1		1							
41	KK OBILIQ	3	2	1										
42	KK VITI	2		1	1									
43	SHSKUK	5	4				1							
44	S.Autobusave-Prishtine	2		1	1									
45	KK ISTOG	2	1	1										
46	KK KLINE	5	1	3	1									
47	KESHILLI PROKUR.	2	2											
48	PROKURORIA E SHITIT	1			1									
49	KK SUHAREKE	1	1											

Nr	Autoriteti Kontraktues	Ank. të pranuar	Aprov. i vend. AK-se	Rivlerësim	Ritender	Tërheqje e anke.	Flakje e anke.	Jo kompet. lëndore	“Res Judicata”	Urdh.p er zbatim te PSH-se	Anulim i Njofit mit per Anulim	Shtyrje e afatit per ofertim	Qartësim i specifikave	Anulim i Rivlerësimit
50	MASHT	1			1									
51	MBPZHR	4	1	2	1									
52	ARKEP	1					1							
53	KK MITROVICE	1					1							
54	MZHE	2	1	1										
55	SHKK	4	1	2	1									
56	AGJENCIA PYJORE E KOSOVES	1		1										
57	SPITALI VUSHTRRI	1		1										
58	MPMS	2	1			1								
59	AK PRONES	1	1											
60	KK FUSHE KOSOVE	2	1	1										
61	AMKMK	3	2	1										
62	NH”IBER LEPENCI”	1		1										
63	KK KAÇANIK	2	1	1										
64	ZYRA E PRESIDENTIT	2	1	1										
65	KK KAMENICE	4	2	2										
66	KUVENDI I RK-se	2									1		1	

Nr	Autoriteti Kontraktues	Ank. të pranuarra	Aprov. i vend. AK-se	Rivlerësim	Ritender	Tërheqje e anke.	Flakje e anke.	Jo kompet. lëndore	“Res Judicata”	Urdh.p er zbatim te PSH-se	Anulim i Njoftimit per Anulim	Shtyrje e afatit per ofertim	Qartësim i specifikave	Anulim i Rivlerësimit
67	S.P GJILAN	1	1											
68	KK DEÇAN	2				1							1	
69	AUV	1			1									
70	KK SKENDERAJ	1		1										
71	KUR MITROVICA	1		1										
72	ATK	1	1											
73	KK PODUJEVE	1		1										
74	KK MAMUSHE	1			1									
75	KK GJILAN	2			1					1				
76	ZYRA E KRYEMINIS TRIT	1	1											
77	TRAINKOS	1					1							
78	KK MALISHEVE	2	2											
	Gjithsejtë	481	158	198	44	30	27	1	2	9	6	3	2	1

Në formë grafike janë të paraqitura numri dhe përqindja e ankesave të pranuar dhe të shqyrtuara nga Organi Shqyrtues i Prokurimit për vitin 2016.


### Vendimet e ankesave te vitit 2016




#### Ndarja e ankesave sipas muajve kalendarik:

Gjatë vitit 2016, numri i ankesave sipas muajve kalendarik, ka pasuar ndryshime në disa muaj. Volumi më i madh i ankesave i përket muajve Gusht, Shtator, Nëntor dhe Dhjetor.


Në formë statistikore, në tabelën e më poshtme janë paraqitur numri i ankesave të pranuar sipas muajve gjatë vitit 2016.



### Krahasimi i lëndëve të shqyrtuara për vitin 2008, 2009, 2010, 2011, 2012, 2013, 2014, 2015 dhe 2016



### Klasifikimi i ankesave në bazë të vlerave – 2016



### VIII. URDHËRESAT E SHQIPTUARA NDAJ AUTORITETEVE KONTRAKTUESE

Me LPP, përcaktohet qartë se vendimet e Organit Shqyrtues të Prokurimit, pas shqyrtimit të ankesave, janë përfundimtare, mirëpo disa Autoritete Kontraktuese i kanë neglizhuar procedurat e prokurimit publik, duke mos i respektuar vendimet e paneleve shqyrtuese për rivlerësimin e ofertave apo anulimin e aktiviteteve të prokurimit. Veprimet e këtilla të Autoriteteve Kontraktuese përbëjnë shkelje të LPP-së, e njëkohësisht kanë edhe efekt negativ në shfrytëzimin racional të fondeve publike.

Për shkak të mos respektimit të vendimeve të mëparshme të Paneleve Shqyrtuese, OSHP-ja, ka shqiptuar gjithsej 9 (nëntë) urdhëresa ndaj Autoriteteve të ndryshme kontraktuese si dhe 5 urdhëresa të tjera pas vendimit të PSH-së .

Në tabelën e më poshtme janë paraqitur të dhënat lidhur me shqiptimin e urdhëresave ndaj Autoriteteve Kontraktuese, për mosrespektim të vendimeve të Paneleve Shqyrtuese.

**Tabela e Urdhëresave të shqiptuara për Autoritet Kontraktuese**

<b><u>Nr.</u></b>	<b><u>Autoriteti Kontraktues</u></b>	<b><u>Urdhëresa te shqiptuara për mos respektim te vendimit te PSH-se</u></b>
1	Telekomi i Kosovës	2
2	Korporate Energjetike e Kosovës	2
3	Policia e Kosovës	2
4	Ministria e Kulturës Rinise dhe Sporteve	1
5	Kuvendi Komunal Peje	1
6	Kuvendi Komunal Gjilan	1
7	Kuvendi Komunal Dragash	1
8	Shërbimi Spitalor Klinik Universitar i Kosovës	1
9	Universiteti i Prizrenit	1
10	Qendra Klinike dhe Universitare e Kosovës	1
11	Agjencia Qendrore e Prokurimit	1
	<b>Gjithsejtë:</b>	<b>14</b>

## **IX. GJOBAT DHE TË HYRAT NGA GJOBAT E SHQIPTUARA**

Gjatë vitit 2016 OSHP-ja ka shqiptuar dy gjoba për mosrespektim të vendimeve të paneleve shqyrtuese dhe atë një ndaj Telekomit të Kosovës në vlerë prej 25,000.00 € dhe një ndaj Shërbimi Spitalor Klinik Universitar i Kosovës (SHSKUK) në vlerë prej 25,000.00 €.

Siç dihet, vendimet e OSHP-së, janë vendime përfundimtare dhe të ekzekutueshme, mirëpo në disa raste, Thesari- MF-i nuk i zbaton vendimet tona, në lidhje me gjobat, me arsyetimin se ky institucion i ekzekuton vetëm vendimet e plotfuqishme të gjykatave kompetente, e jo edhe ato të organeve administrative, siç është edhe rasti me OSHP-në. Për këtë arsye, shuma tjetër e gjobave të shqiptuara gjatë viteve 2009, 2010, 2011, 2012, 2013, 2014, 2015 dhe 2016 në vlerë prej: 216.000.00 €, nuk është arkëtuar as gjatë vitit 2016, fakt i cili është shqetësues për institucionin tonë.



## **X. PADITË DHE VENDIMET E GJYKATAVE- 2016**

Gjatë vitit 2016, Organi Shqyrtues i Prokurimit, ka pranuar këto vendime nga gjykata Themelore, e Apelit dhe Supreme:

Gjykata themelore në Prishtinë, ka aprovuar kërkesëpadinë e operatorëve ekonomik në shtatë (7) raste, ndërkaq ka refuzuar kërkesëpadinë e operatorëve ekonomik në tre (3) raste.

Kundër vendimit të Gjykatës Themelore në Prishtinë, operatorët ekonomik kanë parashtruar ankesë në Gjykatën e Apelit në Prishtinë, në pesë (5) raste. Vendimin e Gjykatës Themelore në Gjykatën e Apelit, OSHP e ka atakuar në katër (4) raste.

Gjykata Themelore në Prishtinë, ka refuzuar kërkesën e operatorëve ekonomik për shtyrje të afatit për ekzekutim të vendimit të OSHP-së në tre (3) raste, Gjykata e Apelit në Prishtinë ka refuzuar ankesën kundër vendimit të gjykatës themelore në Prishtinë për shtyrje të afatit për ekzekutim të vendimit të OSHP-së, në një (1) rast.

Gjykata Supreme me aktvendim ka hedhur poshtë kërkesat e OSHP-së për rishqyrtim të vendimit të gjykatës themelore dhe të apelit në katër (4) raste gjithsej. Gjatë vitit 2016 është vërejtur një rritje të padive kundër vendimeve të paneleve shqyrtuese në Gjykatën Themelore në Prishtinë, ku nga fillimi i vitit e deri më datën 30 dhjetor 2016, janë regjistruar pesëdhjetetë (58) padi në Gjykatën Themelore në Prishtinë.

## **XI. DISKUALIFIKIMI I OPERATORËVE EKONOMIK**

OSHP-ja është kompetente për diskualifikim të operatorëve ekonomik konform nenit 99.2 të LPP-së. Në vijim është tabela me të dhënat, kërkesat e autoriteteve kontraktues dhe vendimet e OSHP-së në lidhje me këto kërkesa.

**Tabela e kërkesave për diskualifikimin e Operatorëve Ekonomik dhe vendimet e OSHP**

<b>Nr</b>	<b>Autoriteti Kontraktues</b>	<b>Operatori Ekonomik</b>	<b>Aktiviteti i prokurimit</b>	<b>Vendimi i PSH-se</b>
1	<b>Policia e Kosovës</b> Me nr prot 524/16 dt 07.06.2016	“Kapital X shpk”	Shërbime projektimi -214 16 060 221	Refuzohet kërkesa e AK_se
2	<b>Policia e Kosovës</b> me nr prot 496/16 dt 02.06.2016	“NN 5 Vëllezërit Mulaku dhe NNP Euro constructions”	Renovimi I qendrave te ndalimit ne stacionet policore Prishtine -214 16 045 521	Aprovim i kërkesës se AK- se dhe diskualifikim i OE “Vëllezërve Mulaku”
3	<b>Policia e Kosovës</b> e-maili i dt 05.04.2016	“Beni Construction”	Ndërtimi I objektit për njësinë K-9 214 14 131 521	Refuzim i Kërkesës se AK – Policia e Kosovës
4	<b>KK Peje</b> me nr prot 505/16 dt 31.05.2016	“Armendi FA”-Istog	Ndërrimi I dritareve ne shkollën fillore te mesme ne Komunën e Pejës 92095 16 013 521	Refuzim i Kërkesës se AK - KK Peje
5.	<b>KEK</b> me nr.prot.321/16 te datës 29.12.2016	Konz.“Ripten Engineering&Top Sistem”-Prishtine	Projektimi ,ndërtimi dhe komisionimi i rezervuarit te ri të mazutit”	Është në shqyrtim

**XII. REKOMANDIMET E ZYRËS SË AUDITORIT TE PËRGJITHSHËM**

Organi Shqyrtues i Prokurimit është organizatë e pavarur buxhetore dhe nuk i përmbush kërkesat e Ligjit te Auditimit për emërimin e auditorit të brendshëm, pasi ka një buxhet të kufizuar dhe numër të vogël të stafit civil.

Në mungesë të auditorit të brendshëm, auditimi i OSHP-së, bëhet nga Njësia e Auditimit e MF-së si dhe nga Zyra e Aditorit të Përgjithshëm.

Gjatë vitit 2016 Zyra e Auditorit të Përgjithshëm nuk ka bërë auditimin e OSHP-së dhe presim që në fillim vitin 2017 të bëjë auditimin e punës tonë.

### **XIII. OBJEKTIVAT E ORGANIT SHQYRTUES TË PROKURIMIT PËR VITIN 2017**

Objektivi kryesor i Organi Shqyrtues të Prokurimit është funksionimi më i mirë dhe i pavarur i institucionit në shërbim të operatorëve ekonomik, për mbrojtjen e interesave të tyre të ligjshme nga veprimet apo mosveprimet e Autoriteteve Kontraktuese. Rëndësi të veçantë do t'i kushtohet profesionalizmit, efikasitetit, efektivitetit dhe paañësisë për vendimmarrje të drejtë. Poashtu rëndësi tejet të veçantë do ti kushtohet transparencës karshi të gjitha palëve pjesëmarrëse në procedurë.

Synim i punës sonë për vitin që vjen është shqyrtimi dhe nxjerrja e vendimeve të drejta në përputhje të plotë me dispozitat e LPP-së, dhënia e këshillave ligjore për operatorë ekonomik dhe palëve tjera me interes, nëpërmjet rekomandimeve, propozimeve të ndryshme.

Rritja e cilësisë së shërbimeve dhe transparenca në veprimtarinë tonë ndaj operatorëve ekonomik dhe publikut do të vazhdojë të jetë në objektivat tona, për faktin se tashmë është testuar se kjo veprimtari ka rritur besimin e operatorëve ekonomik ndaj Organit Shqyrtues të Prokurimit dhe të ushtrimit të ankesave të tyre ndaj AK-së, që dyshohet se kanë bërë shkelje të dispozitave të LPP-së.

Në funksion të këtyre sfidave, që mbeten edhe për të ardhmen, do t'i kushtojmë vëmendje të veçantë ndër të tjera edhe këtyre objektivave:

- Që edhe më shumë të ngritet shkalla e profesionalizmit, me qëllim që të rritet edhe më tutje besimi i operatorëve ekonomik dhe palëve me interes, në veprimtarinë e institucionit tonë;
- Edhe për këtë vit, synim i jonë është ngritja e kapaciteteve dhe profesionalizimit të ekspertëve shqyrtues dhe të stafit mbështetës të administratës, përmes trajnimeve të organizuara nga Institucionet ndërkombëtare dhe vendore në lëmin e prokurimit publik dhe të partneriteteve publiko private, dhe punësimi staf i rregullt edhe i pesë (5) ekspertëve shqyrtues dhe dy (2) zyrtarëve ligjor dhe një përkthyes/e të gjuhës serbe me qëllim që të profesionalizohet edhe më tej zyra ligjore dhe shqyrtimi i ankesave të operatorëve ekonomik të kryhet në afate rekorde.
- Duke qenë më transparent me operatorët ekonomik dhe të gjitha palët e interesuara, ne do të plotësojmë akoma më shumë ueb-faqen tonë me informata të nevojshme mbi proceset e vendimmarrjes së vendimeve të Paneleve Shqyrtuese, dhe publikimin e të gjitha vendimeve që nga paraqitja e ankesës, mendimit të ekspertit shqyrtues, e deri në vendimin final;

- Synojmë që të kemi bashkëpunim me institucionet homologe relevante në rajon dhe me Organizatat e ndryshme ndërkombëtare që merren me prokurim publik;
- Paraqitja e ankesave në mënyrë elektronike – konform plotësim- ndryshimit të ligjit për prokurim publik;
- Viti 2017, do të jetë viti i nëntë (9) i funksionimit të plotë të OSHP-së dhe ne mirëpresim kërkesat, sugjerimet dhe vërejtjet eventuale nga Kuvendi i Republikës së Kosovës për të raportuar mbi ecurinë e punës, pasi që ne kemi nevojë për mbështetjen e secilit prej juve për rekomandimet në fushën e prokurimit publik, partneritetit publiko- privat dhe në fushën e koncesioneve, në zbatim të kompetencave ligjore, si një institucion i pavarur, kompetent, i paanshëm në mbrojtje të të drejtave ligjore të çdo operatori ekonomik dhe palëve me interes.

Me respekt për ju, nga:

Kryetari i OSHP-së

**Blerim DINA**



Prishtinë

27 Shkurt-2017